



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.49/2025

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Hajriz Hoti, Kryesues, Kujtim Pasuli dhe Bujar Muzaqi anëtarë, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë paraqitur kundër subjektit politik Partia Demokratike e Kosovës (PDK), me seli në Prishtinë, për shkak të vendosjes së materialit zgjedhor - posterit në mbi rrugë publike, për Zgjedhjet e Përgjithshme për Kuvendin e Republikës së Kosovës, që do të mbahen me datë 09.02.2025, në seancën e panelit të mbajtur me 19.01.2025, mori këtë:

#### V E N D I M

- I. Pranohet e bazuar ankesa e subjektit politik Lëvizja Vetëvendosje (LVV), me seli në Prishtinë, Anr.49/2025 e datës 16.01.2025
- II. Subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjorbë në lartësi prej 5,500.00 (pesëmijepesëqind) euro
- III. Detyrohet Subjekti Politik Partia Demokratike e Kosovës (PDK), me seli në Prishtinë, që gjorbën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

#### A r s y e t i m

Me datën 16.01.2025, PZAP-i, ka pranuar ankesë A.nr.49/2025, nga subjekti politik Lëvizja Vetëvendosje, paraqitur kundër subjektit politik Partia Demokratike e Kosovës, në të cilën pretendon se Qendra e Lëvizjes Vetëvendosje në Skenderaj ka identifikuar posterin e vendosur në hapësirat publike, konkretisht në rrugën "Pazari i vjetër", të kandidates për deputete nga radhët e Partisë Demokratike të Kosovës PDK, Blerta Deliu Kodra dhe më të njëjtin veprim subjekti politik Partia Demokratike e Kosovës, PDK, ka bërë shkelje të nenit 34, paragrafi 2 të Ligjit Nr.08/L-228 për Zgjedhjet e Përgjithshme në Republikën e Kosovës LZP, konkretisht neni 34, paragrafi 1 nën paragrafi 1.2 i LZP-së parasheh: "1. *Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim: 1.2 vendosja e njoftimeve, pllakateve dhe posterëve, ose përndryshe,*

*vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejell e pronarëve ose shfrytëzuesve. Parashtruesi i ankesës si provë ka bashkangjitur fotografi të printuara lidhur me rastin në fjalë.*

Në përgjigje në ankese subjekti politik Partia Demokratike e Kosovës, PDK, thekson se pretendimet e Lëvizjes Vetëvendosje në ankesën A.nr. 49/2025, se më datë 16 janar 2025, ka identifikuar posterin e vendosur në hapësirat publike, përkatësisht në rrugën "Pazari i vjetër " në Komunën Skenderaj, të kandidatës për deputete nga radhët e Partisë Demokratike të Kosovës (PDK), znj. Blerta Deliu Kodra, me pretendimin se e njëjta "ka bërë shkelje të nenit 34, paragrafi 2 të Ligjit nr. 08/L-228 për Zgjedhjet e Përgjithshme në Republikën e Kosovës", nga ana tjetër, referimi në nënpar. 1.2 të par. 1 të nenit 34 të LZP-së, sipas të cilit gjatë periudhës së fushatës, subjekti politik, mbështetësit ose kandidati i tij ndalohet të bëjnë ndonjërin nga veprimet përveç tjerash si: "vendosja e .... posterëve..., në hapësirat private, pa lejen e pronarëve dhe shfrytëzuesve", është i pabazë për faktin e pakontestueshëm se kandidatja znj. Blerta Deliu Kodra, para fillimit të fushatës zgjedhore, i kishte marrë të gjitha masat e nevojshme të cilat sigurojnë pëlqimin dhe lejen e shfrytëzuesve/pronarëve të hapësirave private, sikurse në rrethanat e rastit konkret, ku edhe ka nënshkruar kontratën për hapësira reklamuese (Bilbord&City Light), përmes së cilës, më datën 08.01.2025, me qiradhënësin N.Sh. "Foto Kabashi" ka lidhur kontratë për dhënie në shfrytëzim të hapësirave reklamuese, të cilat gjenden në rrugën "Pazari i vjetër në Skenderaj. Si më sipër, në rrethanat e rastit konkret si në ankesën e parashtruar nga ana e ankuesit, nuk përmbushen elementet e veprimeve të ndaluara në nenin 34, par. 1, nënpar. 1.2 të LZP-së, ngase në rrethanat e rastit konkret, kandidatja për deputete ka marrë pëlqimin për shfrytëzimin e hapësirave reklamuese të qiradhënësit N.Sh "Foto Kabashi" dhe në këtë mënyrë ka respektuar në tërësi dispozitat e nenit 34 të LZP-së dhe Rregullores Zgjedhore Nr. 7/2024 për Fushatën e Zgjedhjeve, Monitorimin e Fushatës së Zgjedhjeve dhe Reklamimin Financiar.

Përgjigjes në ankese i është bashkangjitur Kontrata për dhënie në shfrytëzim të hapësirave reklamuese, e datës 08.01.2025.

Paneli, pasi që shqyrtoj të gjitha shkresat e lëndës gjeti se:

### **Ankesa është e bazuar**

Paneli, nga fotografitë e ofruara si provë nga parashtruesi i ankesës, të cilat gjenden në shkresat e lëndës, në mënyrë të padyshimtë ka konstatuar se subjekti politik PDK, ka vendosur posterin e kandidatës për deputete nga radhët e Partisë Demokratike të Kosovës PDK, Blerta Deliu Kodra në hapësirat publike, konkretisht në rrugën "Pazari i vjetër", dhe më të njëjtin veprim subjekti politik Partia Demokratike e Kosovës, PDK, ka bërë shkelje të nenit 34, paragrafi 1 të Ligjit Nr.08/L-228 për Zgjedhjet e Përgjithshme në Republikën e Kosovës LZP, konkretisht neni 34, paragrafi 1 nën paragrafi 1.2 i LZP-së parasheh: "1. Gjatë periudhës së fushatës, subjekti politik, mbështetësit ose kandidatët e tij, ndalohen nga

*bërja e ndonjëres si në vijim: 1.2 vendosja e njoftimeve, pllakateve dhe posterëve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa leje e pronarëve ose shfrytëzuesve.*

Paneli ka vlerësuar kontratën e bashkangjitur nga subjekti politik PDK, e lidhur me datë 08.01.2025, në mes të palëve si qiradhënës N.SH “Foto Kabashi”, me seli në Skenderaj dhe qiramarrësja Blerta Deliu Kodra me vendbanim në Prishtinë, mirëpo të njëjtën nuk ka mundur ta marr për bazë me rastin e vendosjes për këtë çështje, kjo pasi që kontrata nuk është nënshkruar nga ana e kandidatës për deputete nga radhët e subjektit politik PDK, Blerta Deliu Kodra, dhe e njëjta kontratë nuk mund të prodhoj efekt juridik. Kontrata është nënshkruar vetëm nga njëra palë kontraktuese, në këtë rast qiradhënësi N.SH “Foto Kabashi”, mirëpo përveç nënshkrimit nuk përmban vulë të protokollimit, për të vërtetuar se kemi të bëjmë me subjekt që ushtron veprimtari të caktuar e rrjedhimisht edhe të drejtën për të dhënë në shfrytëzim hapësirat reklamuese.

Neni 120 paragrafi 1 nën paragrafi 1.3 të LZP-së thekson se në rast se PZAP përcakton se ka ndodhur shkelje e të këtij ligji ose e rregullave të KQZ-së, mundet të vendosë një gjobë ndaj një subjekti politik, në vlerë deri në pesëdhjetëmijë (50,000.00) Euro.

Përveç kësaj një veprim i tillë sanksionohet edhe me nenin 24 paragrafi 6 nën paragrafi 6.1 Rregullës Nr.01/2024, ku përcaktohet se "subjekti politik që është përfitues i fondeve për financimin e subjekteve politike përmes Buxhetit të Republikës së Kosovës dënohet me gjobë deri në njëzetmijë (20, 000.00)euro.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se veprimi që përben përsëritje të shkeljes për nga natyra është i njëjtë apo ngjashëm, subjektit politik që ka bërë shkelje të legjislacionit zgjedhor, apo ka bërë shkelje të legjislacionit edhe në proceset e mëparshme zgjedhore, që konsiston në faktin se subjekti politik PDK, ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje në Kosovë që do të thotë se i njëjti është i njoftuar me rregullat zgjedhore, dhe të njëjtit subjekt politik për të njëjtën shkelje i është shqiptuar gjobë nga PZAP-i, me Vendimin Anr.48/2024, të datës 19.01.2025.

Përveç të cekurave më lartë Paneli, me rastin e vendosjes i vlerësoi edhe të gjitha pretendimet e subjektit politik Partia Demokratike e Kosovës, në kuadër të pretendimeve të theksuara në përgjigje në ankesë, mirëpo të njëjtët ishin të pabazuara, të pa qëndrueshme dhe pa bazë ligjore si në dispozitat e Ligjit për Zgjedhje, dhe si të tilla nuk ishin me ndikim për një vendim ndryshe, për çka Paneli, vlerësoi dhe vendosi si në dispozitiv të këtij vendimi.

Nga arsyet e theksuara me lart, e në kuptim të nenit 34 paragrafi 1 nën paragrafi 1.2, nenit 118 paragrafi 1, neni 120 paragraf 1 nën paragrafi 1.3, të LZP-së, nenit 10 paragrafi 1, nën paragrafi

1.2 të Rregullores Nr.01/2024 për Procedurat e Parashtrimit dhe Vendosijes së Ankesave vendosi si në dispozitiv të këtij vendimi.

**Paneli Zgjedhor për Ankesa dhe Parashtrësia**

Anr. 49/2025 më datën 19.01.2025

**Kryesuesi i Panelit**

Hajriz Hoti



**Këshilla Juridike:** Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.